

138 DEO OPTIMO MAX. 33

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,

manè discutienda, in Scholis Medicorum, die Jovis undecimâ mensis

Februarii, anno Domini M. DCC. LXVIII.

P R Æ S I D E

M. Joan. Franc. Clemente MORAND, Equite, castrorum & exercituum Regis nuper Medico, nunc in regiâ Invalidorum domo Coadjutore Medici renuntiato; & regiâ scientiarum Academiâ Parisiensi, necnon Academiarum Stocholmiæ, Matriti, Florentiæ, Rhotomagi, Lugduni socio; Regii Medicorum Nanceïanorum Collegii Socio Honorario, illius itidem quod est Leodi Assessore Honorario, Doctore Medico.

V I C E S G E R E N T E

M. Simonis VACHER, Regis exercituum in insulâ Corsicâ Medici; Doctoris Medici.

*An detur Hydrops in quo humectantia, diluentiaque
hydragogis præmittenda?*

I.



YDROPS, aquosi feri stagnantis collectio, morbus nec ætati parcens, nec sexui, nec tempori, nec regioni, in quem innumera tentata, commendataque sunt remedia, quæ vel incogitanti obtulit fortuna, vel ars medica, aut ab usu recepit, aut à cognitis & collatis inter se morbi ipsius indole, remediorum quæ virutibus deduxit, quoties, heu! medentium spem deludit & consilia! Successus infelices numquid in morbi naturam ignotam, latentes ejus causas, remediorum-ve penuriam refundendi? Nemo sanè asseret, qui novet, quot & quam docti Medici, ab Hippocratis ævo, totis nervis intenderint, ut Hydropis indoles diversas, diversa symptomata, diversas causas sedulò notarent, à se invicem fecernerent, firmamque de hoc morbo statuerent doctrinam. Nec medicaminum inculpabit inopiam, quisquis scribentes de Hydropse & uberimos formularum concinnatores legere valebit. Quàm ergo de causâ, assumptis hydragogis, vomitoriis, diureticis, diaphoreticis, sudorem cogentibus, ferro & igne datâ portâ aquis effluxuris, tam multi, densis aquis miserè tamen oppressi,

A

fato cedunt? Omisiss qui medelam, imò levamen respuunt Hydropibus non paucis, in hanc venimus suspicionem ut crederemus, tum in medicamentorum delectu, tum in administrationis tempore & modo, aliquid forsan esse desiderandum in eorum gratiam, quorum adhuc non desperata sanitas. Aqua intercus sui evacuationem postulat, inquirunt omnes; ergo expellentia sunt adhibenda, aut eò potentiora, quò fibra aquis immerse laxiores sunt ac molliores, vividiorique indigent stimulo, quo ad contractionem & motum valeant excitari. Hæc lex una fuit semper & eadem cunctis in Hydropibus curandis: at legislatorum pace dixerimus, præceptum istud ejusdem apud nos familiæ habetur, cujus cætera sancita, quorum robur & usus suas habent à variis circumstantiis, à personarum conditione, à temporum statu mutationes, à quo despectere nonnunquam jubent ratio & ægri salus. Quas, circa hæc, cogitationes obtulerunt nobis & firmaverunt, tum morbi adversus remedia vel decantatissima reluctatio, tum felices, mutatâ praxi, successus & nostri & aliorum, eas in hodiernâ disputatione, Medicorum calculo, pro suâ utilitate æstimandas, fidenter proponimus.

I I.

EX anatomicis constat & animalis œconomix phænomenis, nullam esse corporis partem perpetuo rore non madidam, tum ex arteriolarum extremis, tum ex poris membranarum exhalante; qui, dum sanitate gaudet animal, vel foras inutilis & noxius amandatur, vel valis *resorbentibus*, undequaque hyantibus, receptus univelsali fluidorum circuitui rursus committitur. Si quis huic aut exhalationi, aut resorptioni ponatur obex, si vase aliquo disrupto liquor effluat stillatim, si denique liquoribus foras expellendis exitus denegetur, vel in toto corpore vel in certis ejusdem cavitatibus colligitur & stagnat serosus latex, adeoque nascitur Hydrops: cujus species varias à variis aquæ collectæ receptaculis suam accipientes nomen, tot auctores noscendas præbuerunt, ut hanc repetere nomenclaturam, non inuito tantum sed fastidiosum judicemus, de Hydrope duntaxat *in genere* solliciti, & de iis præsertim quæ à causis & concomitantibus perpenfis, nos ad curationis modum ducant certiores.

Innumeros esse fontes ex quibus scaturiat, nullus inficiâs ibit, quem medicarum observationum collectores adire & evolvere non tædebit, & qui ad morborum, quibus hic successit, indoles & effectus advertert diligenter. Ex iis seorsim & simul pensitis, planum manet, quoties colliguntur aquæ, toties in sanguinis & cæterorum humorum circuitu aliquid esse vel à solidis, vel à fluidis ægrotantibus delictum. Fibrarum debilitatem & laxitatem nimiam (atoniâ dicunt) veluti causam unicam inocularunt ferè omnes: quam quidem frequentissimam Hydropis & causam & comitem ponimus. At non rarò serosi laricis effluxus parentem & fociam deprehendi fibrarum nimiam tensionem & rigiditatem, nemo, ni fallamur, in praxi exercitatus negare verax poterit: aut si paululum dubius hæreat & anceps, audiat Hoffmannum (a), Sydenham (b), Monro (c), Bouillet (d), Lorry (e), &c. Mulieres hystericas, viros melancholicos, improviso mœre deturbatos & oppressos, subito lentove Hydrope tumentes intueatur atque tangat; tuncque fatebitur spasmodicam vasorum constrictionem, obstantem sanguini regressuro, illuviei aquosæ haud infrequenter fontem esse ac principium. De variis humorum depravationibus, veterum ac recentiorum opinionem in unam colligens Bouil-

(a) Friderici Hoffmanni opera omnia. Tom. 3. part. 4. cap. 4. de Hydrope.

(b) Tractatus de Hydrope.

(c) Essai sur l'Hydropisie.

(d) Observat. sur l'Anasarque.

(e) De melancholiâ. Tom. 1.

det (f), causam hujusce morbi sanguinis & lymphæ *crasim*, vel densiorem, spissio-
rem & viscidiorē, vel tenuiorem, acrem & dissolutam proponit. Quot ex cor-
ruptis istis humorum conditionibus ingruant mala Hydropem parientia, neminem
latet. Speciales uniuscujusque Hydropis causas numerare qui voluerit, Hippocra-
tem pervolvet, adeoque Monro, qui singulas undequaque sparsas sedulo coacer-
vavit historias. Ad propositi finem properamus, id unum addentes: ex innu-
meris diversisque causis idem fuit effectus, aquarum scilicet collectio; idem-ne
erit semper & in omnibus curandi modus?

I I I.

AQUARUM evacuationem, primum & præcipuum quem sibi attingendum
habeat Medicus scopum, nemo sanè refragabitur. Verumenimverò ad Hy-
dragoga statim, tanquam ad sacram & unicam anchoram, nobis ne est confu-
giendum? vulgari opinioni inservientibus, qui succos, pulveres, bolos, pilu-
las, electuaria promiscuè ex drastice & heroicis, (ut aiunt), medicaminibus
confecta, vix ægotantem intuiti præcipiunt, eâ scilicet mente, ut aquas hinc
& inde sparsas & stagnantes, per vasa resorbentia, in alveum intestinale cogant
redire, aut circulationi rursus commissas, renibus secernendas tradant, & ad
vesicam delatas eliminent. Haud raras hujus validissimæ medendi rationis succes-
sus, apud curationum medicarum collectores reperiri fatemur libenter. At ne
fucum faciant laudes, Clinicos nobis liceat interrogare, quoties irritam hanc
imò damnosam doluerint? Experti verè loquimur: à responsis si non ampliore,
æqualem sanè prosperorum & infelicitum exituum seriem accipiemus (a). Nec
mirum; ut stagnans aqua fistulam subeat intestinale, meabilia patere vasa resor-
bentia necesse est, humoremque mobilem esse ac facile fluentem. Jam verò quo-
ties aquarum aditum in viam intestinale præpediat vasorum immeabilitas refe-
randa, aut diluenda stagnantis humoris tenax spissitudo, acredo-ve leniendi,
quantoque graviorem triplicem hunc morbum, imò insanabilem efficiat, acris
rodensque hydragogorum actio, vix credere est; isque solus animo concipiet,
qui vires medicamentorum, causas morbi, ægotantium idiosyncrasiam, ætatem,
sexum, anni tempestatem, regionem attento animo perpendet.

Quibus Hydropem depellerent, ex drasticonum purgantium familiâ ea de-
prompserunt Medici, quæ potentissimâ valent actione (1). Quæ omnia, si Chy-
micorum analyti & Clinicorum judicio fides sit adhibenda, suam ab acri, caus-
tico & virulento principio mutuântur agendi virtutem (b); humores excutiendo
sanguinem labefaciunt & lædunt (c); tam sæva tormina, tam vehementes sæpè
sæpius excitant convulsiones, lethalesque inflammationes, ut à purgantium
numero releganda esse pronuntiaverint doctissimi inter Medicos & sapientissi-
mi (d). Est quod, dum aquoso languore torpidum jaceat corpus, aliud de sanum
& robustum, valida hæc, parca tamen & suspensa manu oblata, calcaris instar,
redundantem humorem exsugant, fibras ad tonum & robur resuscitent laxiores

(f) Ibid.

(a) Hæc palmaria nobis videtur ratio cur tam pauci serventur Hydropici, quoniam methodus quâ tractari solent, plerumque tantum desolatoria est. Feider. Hoffm. de purgantibus fortioribus ex praxi medicâ merito ejiciendis, Tom. 6. pag. 220. In hoc tractatu plurima leguntur exempla tetterimorum à drastice remediis effectuum. Legas etiam Tulpii observ. 35.

(1) Radices jalapæ, bellari, brzonie, iriditi, soldanellam, graviolam, asarum, esula fructus, trochis-
cos ex colocynthide, sambuci corticem medium, Syrupum ex rhanno cathartico dyagridium, elaterium gummi gutta
distum, antimoniaia, mercurialia, &c.

(b) Feider. Hoffm. ibid. Eadem majori diureticorum parti inuri potest infamia.

(c) Sidenham, ibid.

(d) Cartheuser, Hoffman, Sidenham, &c.

Hydropique valeant mæderi. At quis eosdem ab iis sperare audebit successus, dùm valorum rigiditate, tensione & stricturâ nascitur aquarum coacervatio? Nonnè contrà timendi locus datur, ne morbosum jam tonum & robur adaugeant horrendas moveant nervorum contractiones, agitados humores vertant in pejus, & aquarum ejectioni obstant, nedùm faveant. Unde toties, qui minui debuerat, tumor jam auctior cernitur; eoque ferociâ deveniunt symptomata, ut de ægro brevî conclamatum sit, nisi ad mitiora confugiat prudens Medicus. Nec leviorē labem inferunt Hydragoga, quoties hujusmodi tumor ab obstructis vel hepate, vel liene, paucate, mezentério, suum habet principium. Partem enim sanguinis & cæterorum humorum fluidiorem exprimendo, residuum efficiunt spissiore, fibras exsiccando, obstructionem arti medicæ indissolubilem indurabunt, viâque resorptioni & egressui per excernentes meatus omni præclusâ, tardam properabunt mortem. Quis à spiculis acerbis gravissima non reformidabit mala, cùm lymphæ stagnans, vel phlysim excepit diuturnam, vel morâ, febrili motu, aut pravi cujuslibet humoris admissione corrodentem induit acredinem; cùm spiritibus penè exhaustis post longos morbos & evacuationes immoedas corpus languet effectum? Vetat igitur morbi causa, verant symptomata, ne fallaci & superbo decepti nomine, pharmacis hisce temerè utamur. Nec minores impetrant cautelas, sedulo dignoscenda ægotantis idiosyncrasia (e) purgatu facilis difficilis-ve, temperamentum sensu vel exquisitiori vel obtusiori donatum, regio, anni tempestas.

In his atque aliis ad hunc modum factis aquarum coacervationibus, in modò enuntiata rerum conditione, cùm æger non tantùm non juvetur assumptis Hydragogis, sed ingravescat malum, superest ut ab assueti tramite desectentes, ab Hippocraticis præceptis, à methodicâ medendi ratione, ab experientiâ monstratam viam ingrediamur, diluentium nempe & humectantium præviâ administrationem.

I V.

QUOD si non turbetur alvus, medicamentum deorsum purgans, ex quo aqua purgetur, exhibeto (a) Hancce præceptionem ex ipsius naturæ sanantis (b) opere deductam, pro lege unicâ omnibusque sufficienti tenentes, quoniam facto inter instituendam morbi nostri curationem, alterum illud de cautelâ in purgationibus adhibendâ toties enarratum, nunquam inutile, nunquam omittendum edictum, corpora ubi quis purgare voluerit, facile fluens reddere oportet (c), obli-vioni prorsus dedisse videamur haud pauci, dictu nobis est perdifficile. Numquid vanam hanc & à quolibet Hydrope alienam reputaverunt prærequisitam ventris lævitatē, humorum dilutionem? Quàm aliter sensit divus senex! *Extenuatus quidē, inquit, iisdem (purgantibus) ad curationem uti debet, prius autem ejus corpus fomentis adhibitis præhumectare oportet, ut medicamentis magis obediat (d): ventrem enim medicamentis celeriter moveri convenit, ut convalescat æger (e); & de Hydrope à potu differens, Potissimum verò ejus aqua ex quâ in morbum incidit, quàmplurimum propinatio, uti ejus ventrem commoveat, & multum demittat, sic enim præcipue sanum reddes (f).* Ex his atque aliis circâ curandum Hydropem præceptis, quæ per an-

(e) Sydenham, tractatus de Hydrope.

(a) Hyppocr. de morbis, lib. 2. pag. 44. Edente Fœsio.

(b) Ab Hydrope detento, si aqua secundum venas in alvum fluxerit, solutio sit. Aph. 14. sect. 6.

(c) Aphor. 9. sect. 2.

(d) De internis affect.

(e) Prædict. lib. 2.

(f) De internis affect. hoc præceptum confirmant exempla non pauca, & præsertim puellæ cujusdam historia, quam torquetur Hydrope lethali: hæc, invitâ Medicis, tantum aqua quantitatē bibi, ut rupe videretur; sed alvæ fluxu abortu, pristina sanitati restituta convalescit. Dominic. Paranol. observ. 24. Pentecost. 2.

gustos differtatiunculæ limites huc referre atque interpretari non licet, abundè constat, humectantium & diluentium, ut ut Hydropi primâ fronte adversantium utilitatem, imò necessitatem, quibusdam saltem in casibus, ab ipsâ morbi sævientis naturâ & corporis ægotantis conditione curationis & ordinem & media elicienti præceptorem nostrum agnovisse. Verùm etiam si nostræ opinioni non aequè faveret, ac reipsâ faver Hippocrates, quam utile sit in quibusdam Hydropis speciebus, ab aphorismo, *facile fluentia reddere oportet*, non resilire, morbi ipsius symptomatumque sæpius obviuorum descriptio solida, sanationum historiarum sufficienter demonstrant.

Frequenter occurrit in praxi species Hydropis, quæ largæ potu, sero lactis, sanguinis missione feliciter tollitur; contrâ verò solius artibus exacerbatur (g). Generaliorem hanc assertionem, cujus ut veritas & usus definitus magis innoscescat, ad particulares, quibusdam allatis exemplis, species revocari, postulat propositi ratio. Is est apud melancholicos nerveos (h) [de mulieribus histericis eadem dicta sunt] ad tensionem seu vibratilitatem habitus, ut vel leviori mœreore, vel minimo motu improvise, vel minimâ irritatione convellantur: quæ fibrarum conditio, dum à stimulantibus multa patitur, à lenientibus sanè & relaxantibus suavissimam haurit medelam. Si quis ergo totus nerveus Hydrops corripatur, hanc hostilem prius remittas tensionem necesse est, quàm ad aquas evacuandas te accinxis. Hac enim neglectâ cautione, omnia movebis incassum, aut miserum brevi letho dabis. (i) Aliam melancholiæ speciem, ab atrâ, acri & corrodeute bile, Hydropi præbere originem norunt omnes. Quàm fortiori tunc jure, acerbis omnibus rejectis, spissum hunc, terrum & virulentum humorem, lenientibus ad dulcorem, diluentibus ad fluiditatem præparare convenit (l), ut cum aquis simul foras amandetur! (m)

(g) Spon. aphorismi novi, pag. 363.

(h) Lorry de melanchol. part. 1. tom. 1.

(i) Canobita quidam, constitutione sanguineâ donatus, & sanitate ab incunabulis optimâ, urbanâ morum integritate, hilaritate mentis commendandus, Annuuntiori decem abhinc annis conficiatus mœrore, melancholici & faciem, & mores induerat. Anno 1760, tunc in pago dicto VILLERSCOTTAETS Pastoris munus illoadimplente, dita crescentis hydropis symptomata aperientibus, diureticis, purgantibus, hydragogis validissimis, per quatuor & ultra menses debellare Medicus frustra conatus est. His ita se rebus habentibus, primam mali labem, varias formas edoctus, tractabilem hepatis turgescenciam, aquarum stagnationem manu facile percipiendam, à melancholicâ solidiorum & fluidorum crasi, medicamentorum spiculis acerbis excitandâ, productam suspicatus sum. Opiuionem constabiliorem parvus, densus tardusque pulsus, aeris & micans oculorum acies, ira facilis & quasi suffocans, ubi quid ingratum offerebatur, subsequens vigilia pertinax & ischuria, prementi digito vix cœdens cutis. Ità e-virore pallefcens totus turgebat corporis habitus, ut nec spirandi nisi erectâ cervice, nec manus, nec pedes movendi superesset facultas; urinâ pluribus abhinc diebus guttatim tantum & ratò stillante. Neglectis pilulis & potu ex radicibus asparagi, eringii, brusci, &c. potum ex decocto semine lini, infusus verbasci, albea, tilia floribus, foliis melissæ propinatum forbit liberaliter. Pleniori alveo & copiosius effluentes tunc urinæ, eos mihi animos & eam spem dederunt, ut illum jam fidenter in balneum descendere jussissem. Me jurè ac prudenter à tritâ viâ deflexisse comptobavit eventus. Novem etenim elapsis diebus, novemque balneis assumptis, placido somno potitus, jacente corpore decubuit: solo potu supra scripto usus, urinæ abundanter ecessit, vacuo abdomine, citrà defatigationem obambulavit. Languente tamen appetitu, & cœturibus adhuc ædemate distentis, lenia ter adhibui purgantia, & aquam leviter chalybe & dulci spirite nitri munitam pro potu impetavi; quibus intrâ unam menssem usupatis, favente numine, ad sacra munia rediit integer.

(l) Lorry de melancholiâ, part. 2. pag. 396.

Boerhaavius Aphorism. de melanchol.

(m) Compendii civis 49 annos natus, jam à viginti quinque, unoquoque vere et autumnò febre intermittente vexabatur, quæ absque ullo medicamine evanescebat. Anno 1764, curis, mœrote, laboribus obrutus, in graviorem continuam incidit, quam vigilæ, lipothimia, appetitus prostratio comitabantur, cum pulsu parvo, duro & celeri, linguâ flavâ, sordidâ, tumente hepate, dolente ventriculo, pedibus ædemarosis, distentique abdomine: urinæ alternatim pellucidæ fœbeant & turbidæ, alternatim decoloræ & rubræ. Jam sæva suffocans & sicca tussis miserum strangulabat, tunc temporis per aliquot horæ minuta insanientem, vixque deglutire valebat. Colore fusco & livescente fœdebatur

* Acidulus aquas laudant & præcipiant multi Medici excellentissimi, RIVERIUS, RYERMANNS, BOERHAAVIUS, MONRO, &c.

Ex hac doctrinâ eventum comprobât, quivis facile colliget quàm utilis & felix sit explanata in curando Hydropes ab obstructis hepate, liene, mezentorio, diluens & humectans methodus, quæ liquoribus inspissatis fluorem conciliat, afa penetrando & laxando, vias aperit reſorptiori & ſaltem, ſi ſola non ſanat, locum facit medicinæ (n). Eam imprimis neceſſariam, penè dixi unicam, & omnibus præcellentem laudare juvat, cum à morore aut deſatigatione nimia (o) ſuam trahunt originem obſtructio atque Hydrops. Ad alias periculoſiores ſanè Hydropis ſpecies deveniamus

Aqua intercus quæ ex acutis morbis oritur, mala, inquit Hippocrates, & pauci evadunt (p). Verum quidem ſi draſticis oppugnetur Hydrops; imbecillum enim corpus peſſumdat illorum actio vehementior: at dummodò, jubente magiſtro, præ-humectetur corpus, diluantur humores, ad ſanitatẽ faciiliùs reducetur æger. Religiôſus quidam habebat aſcitẽ cum tympanitẽ, & tabem cum febre heſticâ; copioſum bibis ſirupum acetôſum cum omnibus quæ provocant urinam, & ſanis evaſit (q). Legas, velim, puelluli à variolis, à diarrhæâ Hydropes diſtenti ſanationem, diluentibus, humectantibus, leniterque aperientibus adhibitis (r), poſt irrita diuretica & hydragoga. Legas pariter militis hiftoriam ex aſcite & hydropes pectoris, poſt longam dyſenteriam, lactis ope & leniter aperientium, convaleſcentis (s). Priorẽs partes diluentibus, humectantibusque concedendas, quotieſcumque febrim habet comitem Hydrops, nullus reſuſcit qui febris naturam callet, victumque febricitantibus congruum (f). Quid plura! tanta fuit aliquando ex parte fibrarum tenſionis adverſus purgantia & diuretica reluſtatio, ut, vel decantatiſſimis in uſum vocatis, rem in pejus ruere ſentientes viri doctrinâ non magis quàm

vultus, frigore rigeant extrema, cum vocatus inviſi. Emetica, purgantia, diuretica, vinum hiſpanicum quo deficientem reſocillaret animam, liberaliter obtulerat Chirurgus. A ſpiſſâ, tenaci, acri & cauſtica bile, hæc dira excitari ſymptomata dijudicans, ſomentis abdomen præhumectati, emollientibus ablui & leniri enematis, dilui bilem ſerò lactis, decoctis herbis ſaponaceis largâ ſatis copiâ potandis curavi. Nec à propoſito moveunt me horrendum in modum turgeſcens abdomen, erurum cutis mox rumpenda. Miſceſcentibus ſymptomaribus, paucos poſt dies, per ſecceſſum fluere cœpit bilis ſubſuſe prior, dein ſlava, liberioresque expulſe fuerunt urine. Iſto tunc diureticis valentibus promovendis, illam purgantibus eſcienam eſſe exiſtimavi. Aſt imprudenter: ſteterunt & bilis, & urinæ; recruduerunt ſymptomata, nullaque remanſit ſpes ſalutis, niſi diù continuatis diluentibus, leniter aperientibus, laxantibus miſiſſimis, quorum ope ipſi reſtituta ſunt ſanitas.

(n) Se nullâ aliâ methodo, quàm eâ quæ unicè ad obſtructiones viſcerum tollendas, & excretiones reſiſtendas diſtecta eſt, nempe lenibus aperientibus curam inſtituiſſe, & benediciente numine feliciter perfeſciſſe aſſimulat Hoffmannus de hydropes, obſ. 2.

(o) Turmæ Duſtor apud Equites ſcolopetarios, martio animo indulgens, nimis exercitationibus & ſudoribus exhauiſto corpore, euriſ & morore vexatâ mente, tuſſi ſiccâ, longâ & pertinaci, vigiliis excruciatuſ, appetitu proſtrato, urinis rubro colore tinſtiſ, parçâ copiâ fluentibus; aquâ diſtentiſ pedibus, erutibus & abdomine, Luretiã devenit menſe Aprilis anni 1767. Narratis quæ ſuprà, tumorem palpanum præbuit inſignem, durum, totam regionem hypocondriacam ſiniſtram, & partem epigaſtricam occupantem, & ad umbilicum uſque protenſum. Pulſus digitem ſeriebat ſortis, magnus & tardus; fibræ rigide digito prementi vix cedebant. Unam aut, viribus ſuſtinentibus, alteram aquæ ſequaniciæ frigida librâ impetavi manè porandam, voratis antea pilulis è ſapone & mille - pedum pulvere grana octo ponderantibus, horâ meridiaâ iterandis. Vix ſeptem diebus clapiſ, ſilente tuſſi, vigente appetitu, pacatus rediit ſomnus; equitationem cui valedicere illum coegetant, & hypocondriorum & pectoris dolores, valuit exetere. Senſim evanido, abundè labentibus urinis, tumore, molliores fibræ aliis remediis obſtructioni reſerandæ idoneis locum fecere. Plebeia hæc remedia rideas quidam, ad aliud ex elixirii proprietatis, tunc tunc martis pari doſi, duplicique ſirupi è quinque radicibus aperientibus, ſimul mixtiſ, coſcleatim manè, meridiè & velperè, in ſex decocti ex chycorei ſilveſtri unicuius forſendum, reluſtantem impulit. Duobus tantum hauſtiſ coſclearibus, ſavere denud tuſſi, pectoris & hypocondriorum dolores, minutis urinis, pedes rursus intumere & erura; quæ ſymptomata fugaverunt iterum aqua ſequaniciæ & pilulæ ſaponaceæ.

(p) Prænot. lib.

(q) S. B. Montagnanus, conſil. 863, apud Burnet, theſaur. medic. præſt.

(r) Bouillet, obſerv. 5. ſur l'Anſarque.

(s) Journal de Médecine. Août 1757.

(f) *Vitulus humidus febricitantibus omnibus conſert.* aph. 19 ſect. 1. Conſulendus eſt inſuper Alexander Trallianus, de iis qui aquâ inter cutem cum febre laboꝝant. lib. 9. cap. 2.

prudenti audaciâ laudandi, (u) anodinis solùm & venæ sectione multoties iteratis, nervorum irritationem & contractionem compescere valuerint, viamque pærefacere expeditorem humoribus secernendis. Quidni ergo tantorum virorem vestigiis insistentes, fibras aliquandò relaxandas, lymphæ stagnanti fluorem conciliandum esse assereremus? torque exemplis confirmatam methodum amplectemur; toties adhibendam, quoties à purgantibus drastice arcent medentem nimia fibrarum tensio, vel humorum tenacitas & acredo; eoque commodiorem & tutiorem, quòd inter tonica, purgantia, diuretica & aperientia, ea, quæ minori commendantur virtute, minime respuit, inòd in sui consortium advocat, & valentiori medicinæ campum aperit, sola tamen aliquandò sufficiens?

V.

RATIONI quamvis & experientiæ consonam, vulgatori tamen doctrinæ nostram adversari, multisque premi posse argumentis non distitemur; ad quorum solutionem eò libentius descendere nunc juvat, quòd clariorem inòd lucem, majusque robur acceptura sit. Nimiâ, inquit, humoris abundantia morbus enatus, sibi ipsi, vasa comprimendo, fibras emolliendo macerandoque à vi tonicâ prorsus delapsas, est incrementi causa. Ergo novâ hum rum abundantia, à diluentibus, lenientibus, humectantibusque suppeditatâ, morbus adaugebitur, fibrarumque inertia fiet immedicabilis; undè Celsi judicium, *Balneum & omnis humor his alienus est* (a), consecrantibus Medicis, tot gratulantur absque potu, drasticonum aliorumque stimulantium auxilio ad salutem perducti. Respondemus.

1°. Omnibus & singulis Hydropis speciebus præviam diluentium, lenientium & humectantium administrationem accommodatam, nedùm asseramus; illius è contrario limites & usum sedulò designavit hæc, quam ducem sequimur probatque experientia, præceptio, *facile fluentia reddere oportet corpora*, quoties præ nimia fibrarum rigiditate & stricturâ, præ humorum tenacitate, purgantibus resistunt (b) His non reluctantis impeditis, molli, flaxido torpente corpore, vel gravissimo urgente simp omate moras nullas perpeffuro, vulgarem methodum non solùm non repudiamus, sed eam perutilem, tutam proponimus, feliciterque tenendam haud rarò sumus experiri.

2°. Exceptionibus nonnullis coercendam esse methodum exsiccantem sensit & ipse Celsus, dùm ait, *Balneum rarum res amat* (c); undè conclusio patet, amat igitur aliquandò, nec balnea semper Hydropi sunt aliena, cùm nempe à causa calidâ gignitur Hydrops, & arti communi adversantur morbosa vel innata fibrarum rigiditas & contractio, tenax humorum spissitudo. Idem & annuit doctissimus Monro, qui humoris cujuslibet hostis insensibilis, tunc tamen, ne ad sui perniciem à nobis hujusmodi Hydropici dimittantur, anceps & dubium suadet potius experiri remedium quàm nullum (d). Idem suadent Riverius & Spon.

3°. Cùm ab aquis fortius arceat objecta fibrarum laxitas, huic diutius, patiens tamen immorabimur, quid ab eâ metuendum liberè proponentes. Quas alluit liquor hydropicus, fibras cutis muscularesque substratas, molles adeò, flaccidas, omnique virtute elasticâ & tonicâ destitutas, ut vix repleti possit fovea digito impressa, in omnibus ferè Hydropibus tumere consuevit. Verùm enim verò fibras ventriculi, intestinorumque motrices remediorum actioni subjectas, eadem relaxatione pessumdatas torpere, licet conjecturâ ducti autumaverint autores, nedùm probaverit ullus unquam, dubitandi copiam finunt, in Hydropse cada-

(u) Spon. aphorism. novi. pag. 167. Mead de hydropse monita & præcepta practica. Forte, Journ. de Médecine, Juillet 1759.

(a) Cornelii Celsi. lib. 3. cap. 27.

(d) Idem ab experientiâ didicerat Riverius praxis Medic. Lib. 9. cap. 6 de hydropse.

(e) Ibid.

(b) Essai sur Phlydropisie, pag. 64.

verumque sectionibus observata. Ubì quis vel aquà inter-cute, vel ascite, vel alio quovis Hydrope distenditur, ex singulo corporis puncto, in partes coacervandis aquis dicatas, copiosus irruit omnis humor, colliquefcentibus tabescentibusque cæteris; hinc, secto cadavere, sæpè sæpius schirrosa, sicca, indurataque viscera, hepar, lien, pancreas, mezenterium, arentes, inflammata, syderata, corrosa ventriculi intestinorumque tunica reperiuntur. Dùm diffiunt partes aquis immersæ, exsuccas reliquas ardere testantur insuper sitis urens, calor acris, inflammatio & alvi sicca *extremum caprini stercoreis pilulis similia deficientes* (e). Remota igitur omni præconceptâ opinione, nonne arida hæc viscerum conditio, metum à nimia fibrarum laxitate & mollitie procul fugans, prudentem suadet, quâ lethalia mitescant symptomata, humoris leniatur acro, diluatur spissitas, lubricatis intestinorum tunicis motus restituatur peristalticus, emollitis referatisque venarum resorbentium osculis, humoris hydropici in fistulam intestinale pateat facilior ingressus, exitus par-tur, lenientium atque humectantium administrationem. Verùm hæc satis superque ostensa sunt, cum Medicos alloquamur, sagaci quorum ingenio pauca sufficiunt ostensa, ut veritas eluceat, Vulgarem curandi methodum minimè rejicientes, ab eâ tamen nonnunquam esse recedendum, ratione & experientiâ edocti concludimus:

*Ergo datur Hydrops in quo humectantia diluentiaque
hydragogis sunt præmittenda.*

(e) Hippocrat. Coact. prænot. 481.

DOMINI DOCTORES DISPUTATURI.

M. Philippus QUE-
RENET.

M. Franciscus POR-
TIER DE LA HOUS-
SINIÈRE, Chirurgia,
gallico idiomate, Pro-
fessor designatus.

M. Josephus LALLEMANT, Eques, è Sa-
lubri Stanislaus I. Poloniarum Regis, dùm
viveret, consilio, nec-non Collegii Regii
Medicorum Nanceianorum Socius Ho-
norarius.

M. Carolus-Ludovi-
cus - Franciscus
ANDRY.

M. Joannes - Baptista
Alexander MAI-
GRET.

M. leirius POISSONNIER. è Regiâ scien-
tiarum Academiâ Parisiensi, Regis in
Sacro Consistorio Consiliarius, Regi à
consiliis medicis, in Regiis Arcibus ma-
ritimis & Coloniis totius Medicinæ Præ-
fectus, Imperialis Academiæ Petropoli-
tana, nec-non Regiarum Stokolmiensis
& Divionensis Academicarum Socius,
Professor & Censor Regius.

M. Mathæus-Tho-
mas LA CASSAI-
GNE.

M. Josephus PHILIP.

M. Antonius LECAMUS, Academicarum
Regiarum Rupellensis & Ambianensis,
Societatisque Litterariæ Catalaunensis
Socius.

Proponerebat Parisiis JOANNES-CAROLUS DESESSARTZ, Lin-
gonensis, Doctor Medicus Rhemenis, Saluberrimæ Facultatis Medicinæ Pari-
sienis Baccalaureus, thesios author A. R. S. H. 1768, à sextâ ad meridiem.